

餅水齋詩集
一



餅水齋詩集卷一

大興舒位著

元默攝提格

銅柱

日微煩郵吏。雲臺失畫工。關中遲鄧禹。牀下拜梁松。豈有三遺矢。曾經一挂弓。可憐銅馬式。何處烏呼龍。
突兀三千仞。摩挲五百年。將軍功略地。丞相樹參天。華表疑歸鶴。淫谿威視鸞。六州誰鑄錯。只有謗書傳。
崑崙關作

不到崑崙山。直上崑崙關。三更銅面具。一曲大刀鐮。絕壁飛諸將。華鎧耀百蠻。我時倘投筆。定可勒銘還。
叩頭蟲

叩頭蟲。無腰而折。無手而空。跂跂脈脈何所求。剝剝啄啄頻叩頭。獨不見斷頭將軍強項令。與蟲語冰蟲。
弗聽。

斷腸花

斷腸花。碧於血。雙心一秣相歡悅。一夫兩心相決絕。妾是海棠根。郎是菖蒲節。斷腸花可食。斷腸之人不

可得。

相思子

埋得相思住。種出相思樹。千秋萬歲相思處。烟雲過眼。月入懷。琵琶一聲花亂開。爲君紅結相思胎。

催歸鳥

催歸催歸日未西。鴛鴦不獨宿。鷓鴣亦羣飛。遶西春夢黃鸝啼。碧紗如烟鳥欲棲。催歸鳥。歸家好。歸已遲。別太早。

柳州柳子厚祠

密雨驚風外。何人識柳州。竄身來絕域。失足誤清流。鳥下山城夕。花香水殿秋。潮陽祠屋近。無那故人愁。

東泉旅夜

逆旅東泉道。深宵景象殊。澗猿流月響。野虎負風趨。仰屋枕榔暗。循牆薜荔麗。青鐙搖一豆。詩興強支吾。

鮓虎行

鬼門關前人似海。猛虎捉人如捉鬼。人鮓甕中虎雜居。居民鮓虎如鮓魚。爲言前背侵鬼來。悲風蕭蕭林木摧。山根舊有伏機弩。弩末不能穿虎股。不如左手提鐵叉。右手打銅鼓。虎聞鼓聲見叉影。竿尾箕睛怒而舞。是時虎意已無人人。亦不復目有虎。劃然一嘯當一叉。一叉虎口開血花。抽叉擗虎四山響。月破風腥一虎仰。雙杖椎鼓雨點塵。沈沈九地追虎魂。天明曳虎歸茆屋。不寢其皮食其肉。生吞活剝呼巨觥。白

酒黃梁一齊熟。我聞色變眉欲飛。是食人多母乃肥。彼云食虎可避瘴。未下鹽豉敢相餽。搖頭譴謝阿羅漢。願君努力加餐飯。欣然就食甘如飴。風毛雨血忘朝饑。吁嗟乎。周處南山除一害。李廣北平官不拜。如雞肋。感曹公。爾自疑。肩壯樊噲。歌成曠野良足豪。嚼過屠門亦稱快。慎勿消息傳入城。縣官來收虎皮稅。官來收稅尙猶可。吏食爾虎如食菜。爾有虎皮何處賣。

綠珠井

古井波瀾少。曾憐照影時。身亡顏色果。腸轉轆轤知。故里山雙角。高樓笛一枝。景陽宮在否。羞泥石欄脂。

桂林鷓鴣詞

相思嶺上石屏顏。啼鳥聲聲在樹間。苦勸行人行不得。行人已上萬重山。秋老西風入桂林。雨絲細細霧沈沈。蒼梧山近黃陵廟。啼殺湘花一片陰。斜陽紅樹曾相見。暮雨青林何處棲。只有鴛鴦不作客。一雙飛去浪如梯。

遊七星山棲霞洞

四山轉如圍。一洞鑿其空。跳出山外山。采入洞中洞。日月所不到。操炬以勸衆。照見諸變相。鬼神恣搏弄。黑伏石萬尖。青瀉天半縫。蛇行曲竇細。狐聽冷泉潄。遙遞三里餘。人語聚一壺。徑絕通風雲。出險如出夢。但覺精魂搖。不惜腰腳痛。身輕霞可餐。胸雜星可種。來聞清猿嘯。歸與寒鴉共。老樹挂斜陽。前路一僧送。

陡河

有山無水處。陡河作其間。三十有六陡。七十有二灣。灣灣各陡陡。不離馬頭山。山似攔水出。水竟尋山還。縈回青羅帶。宛轉碧玉環。簾席聚涓滴。排石喧孱顏。扁舟逐波去。櫓唱聲聞關。相傳鑿山骨。轉粟征南蠻。至今太平時。尙濟行李艱。乃知古有事。其利久未刪。不然桂海涸。踏破層烟鬟。

永州

一水如衣帶。風吹入永州。朝陽巖上日。遙見瀟湘樓。菴埵草書好。谿山小記幽。榜人問前路。未解意勾留。活谿觀元次山三吾詩刻石

衡山道中

占得谿堂勝。蕭然獨往時。可憐循吏傳。猶是盛唐詩。飲酒都成例。磨崖亦有碑。先生能造字。比似買山奇。歲晚蕭條倚短篷。相思迢遞冷芙蓉。山從九面帆邊轉。水到三閭廟下濃。宰相徵時徵故事。夫人仙去祕靈蹤。玉璫緘札看征鴈。方便飛回第幾峯。

昭陽單闕

岳陽樓

人間何處無城樓。惟有此樓傳岳州。二月八月湖裏水。南風北風天際舟。千年楚客誰憂樂。兩首唐詩自倡酬。卻上君山夢吹笛。數聲飛作洞庭秋。

江行雜詩

大地有時圻。長天無盡流。春風吹不斷。渺此一扁舟。日月摩雙鏡。乾坤禁百洲。阿誰能賦者。殘夢贈青樓。一夜天花墜。蕭條散雪歌。長橋眠鐵鹿。澀浪踏銀鼉。龍水翻千偈。漁燈畫一蓑。輸他驢子背。詩思鬱嵯峨。春色望長沙。江聲何處家。相邀玉鸚鵡。一唱銅琵琶。遠聚山如米。平開浪作花。英雄兒女淚。懷古蕩無涯。好景三春好。長江萬里長。連雲暗巴蜀。計日下荆襄。風急豚魚拜。天空野馬翔。身非衛叔寶。對此亦茫茫。

初發樊城

車輪轉處似羊腸。初試馱鈴道里長。新婦可憐三日閉。陳人同此百年忙。雞鳴腸腹開茆店。龍臥蕭條廢土岡。略記短長亭畔路。襄陽北去是南陽。

漸看青草四邊生。稍喜紅泥一軌平。人面沾塵如敗鼓。客心薄暮抵懸旌。繩牀投宿銀搖夢。蔥肆加餐餅噉名。二十四番彈指過。鳳城楊柳萬條橫。

邯鄲道上作

細雨濛濛薄埃。邯鄲道上杏花開。春愁宛轉隨車轍。古意蒼茫付酒杯。未熟黃梁唐小說。已埋青草趙叢臺。不嫌茆店知音少。曲項琵琶夜抱來。

題柳

一絲楊柳一梭鶯。費許天工織得成。已是春愁無片段。峭風猶作剪刀聲。

翠幔高樓定幾家。封侯夫婿隔龍沙。飛揚春夢三千里。直到天涯挺柳花。

太學石鼓歌用韓石鼓歌韻

周秦以來數法物。燕趙之客能悲歌。橋門左右岸上下。石鼓石鼓夫如何。惟嘉車攻采吉日。遂與禮樂消干戈。獵碣有十母乃是。如碑無字銳不磨。三百五篇詩彷彿。一十八體書爬羅。比諸盤鼎功則偉。出自杵臼形猶義。吉甫作頌蒐岐下。召公矢音媚卷阿。蒼姬忽聚金石訟。黃犬卻遣神鬼訶。儒生好古恨不見。既見又復疑其說。包氈裹席汗牛馬。畫腹箝口訝斗蜩。桐魚大叩天地響。乃配辟雍逢逢鼙。尋原不同水濟水。考異何殊柯伐柯。已披雲霧看破鏡。況閱人代驚飛梭。朱門四扇開跌蕩。碧落三行委蛇。颯颯大風紀太史。娟娟缺月愁姮娥。億周東遷宋南渡。此鼓來往經溟茫。費宮三徙逮皇夏。良嶽一劫悲宣和。天心人事豈異任。武功文德應同科。石補五色良足貴。金填三品奚爲多。幸陪俎豆傍金馬。不隨荆棘埋銅駝。昌黎昔願留太學。諸生習禮時相過。八代文衰慷慨慨。三都紙貴切以磋。鳳翔從政始寓目。又後百年嗟逝波。飛鳳當年自鬱律。續貂後士殊偏頗。後之視今今視昔。安復屑屑論其他。誰辨琅邪氣辟易。欲尋岫嶠心煢煢。粵若稽古重太息。而後乃今三摩挲。興亡不聞史筆載。真僞卻探詩囊哦。或則言馬或言鹿。或願爲鸛或爲鵝。石鼓石鼓夫如何。非鼓非石愁無那。古法未遠自忠厚。碩果不食非臆阿。經天皇皇照日月。行地浩浩流江河。石不能言鼓乃壽。千秋萬歲毋蹉跎。

空谷

空谷佳人絕世姿。鳩媒一去苦相思。天寒修竹娟娟靜。翠袖蒼茫獨立時。
記得紅鏡待曉初。春痕深淺十眉圖。問渠小麝丁香印。銷盡宮螺五斗無。
東鄰卻扇夜催妝。豔絕金釵十二行。等是離鸞故鄉恨。輸他情願嫁王昌。
采采離蕪山上山。天涯春夢大刀銀。不知西海三青鳥。肯爲傳言玉女還。
三年風月夢行雲。腸斷金泥蛺蝶裙。一串明珠留不得。雙題紅淚寄還君。
秦箏促柱唱烏烏。大道朱樓酒易沽。別有空房三婦豔。不曾生小學當垆。
流黃明月漾秋深。錦字雲機一片心。織到天衣無縫處。些些鍼線本難尋。
鎮日青簾一桁垂。鴛鴦繡出下階遲。不須金線年年壓。自有春蠶五色絲。
雨後過法源寺

寥寥梵王宮。雨霽劇清美。潭影照素心。鐘聲落幽耳。雙屐不逢人。微鴉隔林起。
昭君詩

漢元帝時。陳湯斬郅支單于。傳首京師。呼韓邪單于聞之。且喜且懼。入朝願壻漢氏。遂以後宮良
家子王嬪配焉。漢書作牆。通鑑作牆。匪寇昏媾。與唐回紇有異。自石季倫王明君辭。已多謬詠。後
之作者。第弗深辨。惟元帝按圖召幸。致譏險謁。而嬪又自向掖庭令請行。不已銜乎。譬如李平馳
間道而始識真卿。毛遂喻囊錐而自媒趙勝。上不好惡。下不愛鼎。士女之耽嗜可慨矣。

永巷年華。銀河。千載琵琶語。絕勝三秋團扇歌。依舊錦車馳玉壘。分明鈿合隔

天。經裙紫臺夢冷南宮漏。青冢魂招北塞雲。尙有牧羊蘇屬國。可憐射虎李

平城三十萬。是誰奇計出無窮。難向夜深呼卷中人在崔娘老。馬上妝成蔡女孤。此去定騎紅尾鳳。再來豈有白

鳳。未盡明妃出塞圖。平城三十萬。是誰奇計出無窮。

樂文丞相論語題文歌

樂相之文傳何時。作者真偽未可知。其間不復加考辨。信以傳信疑傳疑。當年第一遼陽九。考官擊節稱其奇。詔書再起時事改。撫几散盡千金貨。上郡豪傑動帝室。中年絲竹驅歌姬。一成一旅雖可用。三戰三北誰能支。中間不合大如礪。天荒地老兵馬司。狂人兵起太倉卒。從容就義請死之。浩蕩正氣歌。感歎臨終詩。與汝偕隱有遺恨。事君致身無婉辭。卽論文章已奇絕。況有忠孝相扶持。大都承旨技可惜。南朝降表辭尤卑。除非生祭與卻聘。不爾慟哭登西臺。乃知大節不可奪。日星河嶽常昭垂。張睢陽詩諸葛表。豈惟重其文辭爲。

雪後曉起有寄

昨夜西峯雪。蕭蕭掩畫屏。便應揮玉麈。不惜倒銀瓶。鴉散樹微白。雞鳴山欲青。相思落梅曲。愁向笛中聽。

闕逢執徐

西山

城外青山屋後看。朝來爽氣破春寒。笙鐘萬谷酣風合。臺殿層霄霽雪殘。空際輭紅飛不到。吟邊積翠望無端。未容亂踏浮雲去。西北高樓正倚欄。

春晚宴集聞歌

歲歲春歸等逝波。金樽檀板奈情何。心驚李賀殘絲曲。腸斷桓伊清夜歌。隔嶺音書飛雁少。閉門風雨落花多。南鄰亦是消愁地。乘興還能許再過。

出南西門憩廣恩寺遂至豐臺卽事

出郭蒼茫農事稀。春風一徑叩禪扉。橋橫流水客纔到。門掩落花僧未歸。初地鱸魚閒說法。故園鷗鷺靜忘機。幽尋不厭頻延佇。杳杳青林漏晚暉。依然楊柳倚風栽。短葉長條拂面來。送我馬蹄過蕭寺。隨他蝶影到豐臺。養花天氣紅簾卷。傍水人家綠鏡開。攜與青錢買春去。一枝斜插帽簷回。

曉春曲

紅雨霏霏拂畫簷。溼雲嚙處夢痕黏。曉來花氣濃於酒。不抱文珠便卷簾。
闌珊春事到豐臺。婪尾深深倒玉杯。日暮豐官門外路。車如流水看花回。
門前一片賣花聲。紫韻紅腔別有情。盡日自隨蜂與蝶。不知春思爲誰生。
將開未開露漸稀。欲語不語春依依。粉奴舞袖一迴雪。不羨揚州金帶圍。
翦收絕豔有金刀。雲髻峩峩不厭高。一朵午痕紅膩處。只疑花把鬢鴉燒。

長椿寺九蓮菩薩畫像

妙蓮華下湧金輪。玉匣珠孺有化身。尊號已加皇太后。圓姿仍現國夫人。
閣中取傳徵文史。宮畔修齋託鬼神。彈指華嚴樓閣裏。膠山絹海一微塵。

小游仙詩

清淺蓬萊阿母家。春流一鏡漲桃花。無因風馬雲車路。日向銀河借客查。
雲旗十丈畫初翻。六甲靈飛拜上元。閒殺閻風附書鶴。盡教玉女爲傳言。
曾入真靈位業圖。謫居猶得守天廚。如何一抹流霞影。醉倒河東項曼都。
碧落抽簪遠叩扉。粲然玉齒啓靈妃。含情欲說他生事。正好金籠放雪衣。
石壇花雨傍南城。狡獪丹砂太有情。一揀新人雙手爪。雪邊還要耿先生。

別館承霄卻餐秦三聲橫玉破紅塵分明烟霧乘鸞去未信蕭郎是路人
紫泥小海別經時青綺疎窗忽見之如此紅泉不能渡十年春夢采華芝

擬沈雲卿鐵馬金閨之作

楊柳西關笛胭脂北苑妝去時人易老歸日路尤長紅淚新婚別黃沙古戰場真成獨不見猶作永相望

五雜組

五雜組織流黃往復還海燕翔不得已守空房
五雜組妓紅拂往復還虬髯客不得已扶餘國
五雜組霓裳舞往復還漁陽鼓不得已馬嵬土
五雜組文選熟往復還應科目不得已學干祿
五雜組蓬萊島往復還鹿盧蹕不得已食酸棗

夜坐卽事用太白秋夕旅懷韻寄友

涼颼觸青蘋萬里秋雲飛尺素不可託雁鴻將安歸開簾滅燭影流螢坐我衣思蛩抱孤馨薄月邀斜輝
豈無夙心儔別遠良會稀終須畢始願黃塵深宵揮

讀長恨傳三首用李義山碧城詩韻

誰將犀井比長干。無復飛橋奏廣寒。踏臂悔教來赤鳳。返魂何處覓青鸞。空餘宮女偷閒說。忍使天孫帶笑看。淒絕江南花落後。拋殘腰鼓共鈴盤。

玉體恩恩見小憐。六軍無暇請遊田。紫茵裏後難回首。紅藥開時記竝肩。客寄雙銀雲滿鬢。嬾留一轡月初弦。無因更問樓東笛。燈暗長門背雨眠。地久天長有絕期。分明外傳淚雙垂。心驚忽更聽鸚鵡。齒痛誰能笑荔枝。生女生男空復感。爲雲爲雨豈堪思。年年宮殿江頭閉。付與新蒲細柳知。

待闕

待闕鴛鴦社有無。傳言鸚鵡事模糊。春裘未必羸雙陸。側帽何須效獨孤。枉向碁碁求美玉。竟將瑟瑟抵明珠。只應桂海虞衡志。歸去書成范石湖。

旃蒙大荒落

盆梅一本無生態久矣。今春始花。悵然有作。

梅花忽已開。芳此虛堂夕。幽人臥花冷。門巷無行跡。起眺銀蟾蜍。溶溶漾麗額。徘徊泛霞觴。清狂動吟魄。頗憶山寺僧。手種此標格。殷勤寄冷枝。谿頭雪初積。盛之綠花臺。圍以白綺石。香泥護其根。淺水承其澤。始言歲寒姿。久要竝松柏。胡然歎遲暮。飛翼暗狼藉。萋萋綠蒲晚。蕭蕭黃楊厄。榮衰殊不常。棄捐良可惜。

有如古詩人。蕭條在遷謫。又如古美人。淒涼怨離別。東風蕩園林。夢入魏姑射。射鼻香。寒芳漸宜賞。疎蕊未堪摘。撫茲循環理。悄焉感時昔。花開見有人。花謝送無客。等待鶴歸來。相將話清白。

題畫

曾從山上采薺蕪。流水華年憶故夫。未信無情天不老。試垂霜鬢看麻姑。饒谷珠還不墮香。笛聲依舊按伊涼。何人記字紅樓底。偷寫徐妃半面妝。

感遇詩

咄咄復咄咄。百代如過客。壯夫輕黃金。君子重白璧。白璧苟有瑕。不如瓦與石。黃金能繞指。不如寸寸磔。所貴霜雪姿。蒼然見松柏。白鷺非純真。羽毛空自潔。卞和三獻玉。蘇季十上書。所持甯不貴。汲汲非其時。厚顏泣金盞。別足歎路歧。書玉既已往。秦楚安可知。所以南陽畊。潛伏神龍姿。悠悠梁甫吟。三顧乃出師。終南有捷徑。猿鶴怨未休。堦堂覆杯水。蛟龍弗來遊。況此致身早。乃啓失足羞。冰山倏朝旭。得喪兩不酬。昔日東閣客。今日南冠囚。不見八司馬。直至蠻荒州。象齒既自焚。豬肝亦多累。始爲蒼蠅笑。旋下黃犬淚。人生天地閒。翻若騁雲轡。水流不重波。花好無再墜。慎始名可成。知足願易遂。斯言書諸紳。庶以勸同類。

春雪歌

去年雪深不滿尺。十里五里無宿麥。今年風熟浮雲頽。三朝三暮猶徘徊。天遣飛瓊散花手。瀛洲玉塵千萬斗。玉田珠樹春無聲。益以靈霖賜南畝。酌我酒爲君歌。開門見雪喜則那。豐年之占洵有象。敵裘不覺春寒多。春寒沈沈遲漏箭。焚祝猶能誇白戰。但覺詩情出險奇。誰知天意矜愚賤。我聞齊梁之間穀食稀。連年苦旱草不肥。雨珠不得以爲粟。雨玉不得以爲衣。安得雪花片片大如席。能令四方萬國無寒飢。春雪歌。歌玉戲。願祝年年老農利。栽麥黍稷惟馨香。薦諸俎豆事上帝。

仇英桃花源圖

桃源洞。武陵谿。武陵谿口桃花隄。扁舟捕魚者誰子。忽逢桃花紅欲迷。再來不記桃源洞。漁人竟作桃花夢。桃花疑夢人疑仙。惟有武陵流水聲潏潏。君不見阿房宮中三月火。函關一丸不能鎖。火光迸入武陵谿。烘出桃花紅萬朵。秦人避火聞花香。漸入佳境非故鄉。外閒麋鹿內雞犬。一十七史龍元黃。當年劉阮天台去。人面桃花渺何處。太守何須更問津。仙人大抵無情人。無情有情轉愁疾。但見山深而林密。直教招隱作清談。且與鑿空傳綵筆。

題亦雅

百越茫茫感舊遊。誰傳風土記銀鈎。拋殘海上梅花瘴。搖落山中桂樹秋。天女雙鬟留客住。鬼門一髮使人愁。羣雲驕雪都無價。愛妾還能換馬不。

屈宋衙官恨有餘。爲誰甘露下庭除。可憐當日三條燭。不要先生五體書。投筆從軍天外夢。抱琴招隱曲

浪花歌後春烟老，身手猶能化蠶魚。

紅梅花詩

細雪霏窗宮院門，醉紅深淺早黃昏。經時翠羽飛無路，幾處朱樓夢有痕。春水欲迷桃葉渡，酒人空憶杏花村。東風芳信年年負，更取坡公句子溫。東坡詩：年來芳信負紅梅。

柔兆敦牂

南西門楊柳枝詞

春城風雨路旁枝，郎馬青驄去幾時。放下珠簾三十里，一時楊柳盡成絲。家住章臺街上樓，三年消息板橋頭。東風相送開桃杏，青眼看人不自由。塞北書成白雁稀，遼西夢斷黃鸝啼。不如吹作花如雪，得向天涯處處飛。九十春光尺五天，短簫聲唱柳屯田。今宵酒醒不歸去，殘月曉風何處眠。

城南

城南尺五接街西，御史臺臨宰相隄。鷗吻山來都好望，禿鷲從此不須啼。卽看紅日長安近，那傍連雲大夏棲。卻有當關晨報客，誤人消息自天題。

午日見人家戶側有縛艾作人形者題曰鍾進士戲爲之詠

南山白石老鬼家。一劍綠繡萼蒲花。三年之艾五日福。風聲鶴唳咸驅邪。爲誰蒿目但相視。猶有蓬心遠集此。機穢觸熱到人家。小草出山成進士。

古鏡詞

冷月蒼蒼暈一規。未知肝膽況鬚眉。如何乾德年間物。惆悵銅官沒字碑。倚鳳盤龍舊夢孤。一言擬問鏡當初。水精簾下梳頭影。曾照佳人絕代無。菩提樹下一塵生。佳讖芙蓉夢未成。正是郎君羞妾面。幸虧相對不分明。

陽臺謠

芙蓉十二高唐女。入夢微聞楚臣語。鈿牀繡枕夜相邀。雲者行行欲爲雨。別有深宮鎖細腰。加餐不敢暮還朝。朝朝暮暮長如此。抱月飄烟爲君死。

綠陰

雨定風和日漸遲。濃陰一院與支持。春歸萬紫千紅外。人憶迴黃轉綠期。竹色上簾皺作畫。茶烟吹鬢烏成絲。笙寒水皺誰料理。十四年前杜牧之。

夕陽

鉤簾人倚亞蘭干。滿眼斜陽獨自看。愛惜無過陰一寸。消磨何止日三竿。漁蓑歸去波猶影。鴉陣塗來墨亦殘。莫近黃昏便惆悵。夜深還有水精盤。